



**Volumen Epistolarum, Qvas Romani Pontifices, Gregorius
III., Stephanvs III., Zacharias I., Pavlvvs I., Stephanvs IV.,
Adrianvs et Pseudopapa Constantinus miserunt & reges
Francorum, Carolvm Martellvm, ...**

Gretser, Jacob

[München], 1613

Item exemplar Epistolæ eiusdem Papæ ad Domnum Carolvm &
Carlomannum, Regibus directa, in qua continentur pro defensione sanctæ
Dei Ecclesiæ. XLII.

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistola eiusdem Papa, ad
Domnum Carolum & Carlomannum, Regibus directa,
in qua continentur pro defensione sanctæ
Dei Ecclesia.*

XLII.

DOMNIS nobilissimis atq; excellentissimis filiis Carolo, & Carlomanno Regibus Francorum & patriciis Romanorum, Paulus Papa. Olim omnipotens DEVS cernens populi sui Israëliti-
ci lamentationem & impiam ab Ægyptiis illis illatam oppressionem, misertus est eis mittens famulū suum Moysen, per quem signa & prodigia exercens eundem suum eripuit populum, & per eum, legem illis instruens, ad optatam eos illis perduxit requiem. Cui etiam Iosue, vt prælietur bella Domini, adnectitur, atq; alios sui diuini nominis cultores, eis concessit auxiliares; sed in omnibus illis non ita complacuit eius diuina maiestas, sicut in Dauid rege; seruū meum secundum cor meum, in oleo sancto unxi eum, cui & regnum & semini eius in æternum gloriosè tribuit, possidendum. Sic enim, præcellentissimi atq; nobilissimi filij, à Deo instituti reges, idem Dominus Deus noster in vestra Christianissima complacuit excellentia atque in utero matris vos sanctificans ad tam magnum regale peruexit culmen, mittens Apostolum suum beatum Petrum per eius nempe Vicarium, & oleo sancto vos, vestrumque præcellentissimum Genitorem unguens, celestibus repleuit benedictionibus, & sanctam suam Catholicam, & Apostolicam Ecclesiam atque orthodoxam Christianorum fidem vobis commisit exaltandam,

Y 3

atq;

atq; viriliter defendendam. Quod profectò, excellentissimi filij, Spiritus sancti gratia repleti & cœlesti
**studuisti.* protectione adiuti agere totis nisibus **statuistis*, & vestro auxilio atq; certamine ipsa sancta Dei Ecclesia, spiritalis mater vestra, ab inimicorum insidiis liberata exultat, in Domino Iesu Christo, & in conspectu diuinitatis vestra effulgent pia opera, & cum David atque Salomone regibus & cæteris Dei cultoribus vestra in cœlestibus regnis adscripta sunt nomina.

Interea, dum tanto vestro beneficio dinoscimur esse releuati, amor nos hortatur, Christianissimi ac dulcissimi filij, de vestra prosperitate sedule addiscere, & in Domino gratulari; & ideo visitationis atq; salutationis paterno affectu, his nostris Apostolicis apicibus, persoluimus vinculum, magnopere præsentem Petrum primum Defensorum, sanctæ nostræ Ecclesiæ, nostrumq; fidelem Missum, ad vestram dirigentes excellentiam, quatenus desiderabilem nostra vice referat salutem; quem petimus benignè à vobis suscipi & de vestra per eum sospitate nos certos lætosq; reddi, obnixè petentes, dulcissimi filij, excellentiam vestram, vt pia vestigia sequentes, imitatores efficiamini Christianorum parentum vestrorum, nempe & proauis atq; Excellentissimi, & à Deo instituti magni Regis, genitoris vestri, & præcellentissimæ Genetricis vestræ, à Deo conseruandæ Reginæ, qui verè præ omnibus Regibus fideles Deo & B. Petro esse comprobantur; quorum merita in cœlestibus regnis fulgent. Vnde & petimus misericordissimam Dei nostri **longauit.* longanimitatem, vt sua vos gratia protegens, **avis* & prosperis temporibus regalia sceptrâ concedat perfruenda, dilatans terminos Regni vestri, & victorias
 vobis

vobis de cœlo tribuat, omnesque aduersarios vestris
 prosternat vestigiis & sicut terrenum, ita & cœleste
 regnum vobis per infinita sæcula tribuat possiden-
 dum. Bene valete.

*Item exemplar Epistola eiusdem Papa, ad
 Domnum Pippinum Regem directæ, de Simeone vel
 Monacho Remedij Episcopi.*

XLIII.

DOMNO excellentissimo filio, & nostro spiri-
 tali Compatri Pippino Regi Francorum,
 & Patricio Romanorum PAVLVS Papa.
 Cum charitatis amor, quem erga vestram à Deo illu-
 stratam insignem gerimus Excellentiam, nostro enu-
 cleatius vigeat cordi, curæ idcirco nostræ existit, ex-
 cellentissime Regum, vestræ gnauiter & præclara to-
 tis obtemperare nisibus, voluntati, præsertim dum &
 amplissimo vestræ excellentiæ præsidio releuati, &
 post Deum, ab insidiatorum videamur sæuitia erepti;
 & ideo quotiens nobis relationum vestrarum apices
 perferuntur, gratuito acceptantes animo, confestimq;
 quod eorū textus eloquitur, effectui satagimus man-
 cipandum. Vnde susceptis in præsentia à Deo prote-
 ctæ Excellentiæ vestræ syllabis, nempe relectis protin-
 us, cuncta, quæ ferebantur in illis, libenter adimple-
 uimus, in eis siquidem comperimus exaratum, quod
 præsentis Deo amabilis Remedij, germani vestri,
 Monachos, Simeonis scholæ cantorum priori con-
 tradere deberemus, ad instruendum eos in psalmodiæ
 modulatione, quam ab eo adprehendere, tempore,
 quo illic in vestris regiminibus extitit, nequuerant.